

THE EPISTLE OF PAUL THE APOSTLE TO THE EPHESIANS

1 ¹Shíí Paul, Bik'ehgo'ihí'naán bik'ehgo Jesus Christ binal'a'á nshlíni, ínashood Ephesus golzeegee daagolíníí, áí Christ Jesus daayodlaągo bíyée daanliiníí, bich'í' k'e'eshchii: ²Bik'ehgo'ihí'naán nohwiTaa ła'íí Jesus Christ nohweBik'ehń biłgoch'oba'íí ła'íí bits'ą'dí' ilch'í'gont'éełhíí bee nohwich'í' goz'ąą le'. ³Jesus Christ nohweBik'ehń biTaa, Bik'ehgo'ihí'naán, ba'ihégoši, án yaaká'yú nagoz'ąągee nohwiyi'siziiníí bá gózhógo dawa nohwainé', Christ biláhyú: ⁴Áń biláhyú ni'gosdzán doo hwahá nni'taa dadá' Bik'ehgo'ihí'naán hanánohweznil, bináál godilzigo ádaant'eego doo nt'é bee nohwaa dahgoz'ąą da doleełgo: ⁵Bichągháshé daandlii doleełgo hanánohwidi'nííłgo nohwá ngonłchíí, Jesus Christ biláhyú, áí nohwá hát'íłgo yaa bił gozhóó, ⁶Ízigo biłgoch'oba'íí ba'ihédaandzi doleełgo, áí nohwiká'zhi' áyíłaaago, biYe' bił nzhóni biláhyú: ⁷Áń bidiłíí bee nchó'íí bits'ą'zhi' nanánohwi'diheznii, nohwincho' n'íí bighą nohwaa nágodet'ąą, Bik'ehgo'ihí'naán biłgoch'oba'íí ch'ída'izkaadíí bik'ehgo; ⁸Áí ch'ída'izkaadgo nohwiká'zhi' áyíłsi, daagondzaągo ła'íí dawahá bídaagonlzigo ánohwíłsi; ⁹Bik'ehgo'ihí'naán hát'íłnii doo bígózi da n'íí nohwíł ch'í'nah áyíłaa, da'án bił gozhógo hat'íłhíí k'ehgo án ngonłchíí: ¹⁰Goldohíí biká' ngonyáago yaaká'yú ágot'eehíí ła'íí ni'gosdzán biká' ágot'eehíí dawa Christ yebik'ehgo dała' áile': ¹¹Áń biláhyú áldó' nt'é nohwíyée doleełíí nohwaa det'ąą, dabíí hát'íłgo dawa ła'iyi'íłhíí k'ehgo nohwádihyú nohwá ngonłchíí: ¹²Née dantsé Christ daahosiidlaądíí, nłt'éeego daahii'naahíí bighą Bik'ehgo'ihí'naán ízigo ye'at'éhi nnee daayidnłsi doleełgo. ¹³Nohwíł áldó' yati' da'anihi, yati' baa gozhóni bee hasdánohweznil daasidohts'ąądá' daahohdlaą ni': daahosohtlaądá' Holy Spirit bee nohwágon'ąą n'íí bee nohwiká' izkałhíí k'ehgo bee nohwígózi, ¹⁴Áí bee Christ bidiłíí bee nohwá nayihesnii n'íí nohwíyée silijzhi', nt'é yengon'ąą n'íí da'aniigo nohwíyée doleełgo bídaagonlzi, án ízigo ye'at'éhi ba'ihégoši doleełgo. ¹⁵Áí bighą Jesus

nohweBik'ehń daahohdlaągo, 1a'í ńnashood dawa nohwił daanzhoągo ba'ikonizjidá, 16Da'ákozhá Bik'ehgo'ihinań bich'i' nohwa'ihensı, nohwá da'oshkaąhgo; 17Bik'ehgo'ihinań, Jesus Christ nohweBik'ehń yokaąhıı, Jesus biTaa ızisgo ye'at'éehıı, daagonohsaągo ádaanohwile'go nohwá oshkaąh, 1a'í Bik'ehgo'ihinań dabıı nohwił ch'ı'nah ádidle'go bıdaagonoısjı doleełgo ałdó' oshkaąh: 18Nı't'éego ágot'eehıı daahohııı doleełhıı bigha nohwıká ánnııdıı bıdaagonoısjı doleełgo, 1a'í ńnashood daanliinıı bıłgo ızisgo ágot'eehıı behaldzili nohwıyée doleełıı ałdó' bıdaagonoısjı doleełgo nohwıjıı yune' nohwił ch'ı'nah ágólısjı doleełhıı bigha nohwá oshkaąh, 19La'í Bik'ehgo'ihinań binawod ch'ıda'izkaadgo, binawod ızisgo at'éhi bee na'iziidhıı k'ehgo, née daahohııdlaanıı nohwá sine'go bıdaagonoısjı doleełhıı bigha nohwá oshkaąh; 20Bik'ehgo'ihinań binawodıı bee Christ daztsaądı' naadııdzaago áyılaadá yaaká'yú bigan dihe'nazhinée dahyinesdaa, 21Spirits binadaant'a'ıı, spirits binawodıı, dak'a'at'éehıı, 1a'í yedaabik'ehıı dawa bitisgo, doo dıı goldohıı zhá biyi' da, ndi yunáasyú goldoh doleełıı ałdó' biyi', ıltah at'éego daabizhi' daawójıhıı dawa bitisgo sitıjıgo áyılaa: 22Dawahá yebik'ehgo bilatl'áah nyiné, 1a'í ńnashood dawa yá sizıjıgo bitsıts'inhıı k'ehgo at'éego ałdó' ábıılaa, 23ńnashood dawa, Christ bee dała'a daanliinıı, bits'ı nlıjıgo bełalzaa, án bee dawa ıltah at'éego łayıł'ıjıh.

2 1Begoz'aanıı doo bikısk'eh ádaanoht'ee dahıı bee, 1a'í nohwincho'ıı bee nanesona' n'dá' Bik'ehgo'ihinań nádaahoh'na'go ánohwilaa; 2Nohwincho'ıı biyi' ni'gosdzán biká' ágot'eehıı zhá bech'ıgót'ı'yú bikısk'eh hohkaah ni', spirits daancho'ıı binant'a', án Bik'ehgo'ihinań doo daıdıt'sag dahıı bitahyú na'iziıdıı bikısk'eh hohkaah ni': 3Née ałdó' łahn' bitahyú nahiikai ni', nohwi'at'e' ncho'go hat'ıınıı bikısk'eh ádaant'eego, nohwıts'ı, nohwinatsekees bıłgo hat'ııyú ádaant'ee ni'; da'áık'ehgo gosiıdlııdá' ncho'go ádaant'ee n'ıı bigha Bik'ehgo'ihinań nohwiniıgodılé'ıı nohwıch'ı' begoz'aą ni', nııee 1a'í ádaat'eehıı k'ehgo. 4Áıdá' Bik'ehgo'ihinań, bıłgoch'oba' ch'ıda'izkaadhi, dážhó bıł daanjoą lék'ehıı bigha, 5Nohwincho'ıı bee nane'na' n'dá' Christ bıł dała'a daasııdlıjıgo daahıı'naago ánánohwidlaa, (bıłgoch'oba'ıı bee hasdáhkai); 6Bıł dała' naadııhiikaigo ánohwilaa, 1a'í Christ biláhyú yaaká'yú nagoz'aągee bıł naháataągo ánohwilaa; 7Áık'ehgo yunáasyú goldohıı biyi' Bik'ehgo'ihinań Christ Jesus biláhyú nohwaa ch'oba'go, bıłgoch'oba'ıı ch'ıda'izkaadıı ch'ı'nah áıdolııı. 8Bik'ehgo'ihinań bıłgoch'oba'ıı bee hasdáhkai, nohwi'odlq'ıı biláhyú; doo dánohwıı ádaaht'ıı da: Bik'ehgo'ihinań bits'á'dı' nohwaa hi'né'hi at'éé: 9Doo nohwınasdziıdıı bee da, áık'ehyúgohıı dánko nııee 1a' ıda'odlıı hılee. 10Bik'ehgo'ihinań nanohwik'ıda'iziıdıı daandlıjı, Christ Jesus biláhyú nı't'éego ánádaahııt'ııı doleełgo ánohwilaa, áık'ehgo bikısk'eh hiıdaał doleełgo Bik'ehgo'ihinań nohwá ngonłchıı lék'e. 11Áı bigha dıı benádaałnııh, doo Jews daanohııı dago daagosolıjı, **circumcise** ádaabi'deszaahıı, doo circumcise ádaanohwi'deszaa dahi daanohwiłnıı, áı circumcisonhıı nııee bigan zhá

bee kots'í nabik'ísdziidi; ¹²Áídá' Christ doo bídaagonoŋsɪ da ni', nanidí' daanoŋhɪigo doo Israel hat'i'í daanoŋhɪ da, Bik'ehgo'ihina'na'nt'é yee yáŋgon'áá n'í doo nohwí nohwá da ni', doo hayú nohwá ch'ígót'i' da ni', ni'gosdzán biká' nahkai ndi Bik'ehgo'ihina'na' doo bił daanoŋhɪ da ni': ¹³Lahn' nzaadyú daanoŋhɪ ni', ndi k'adí' Christ Jesus bíyéé daasolɪigo, Bik'ehgo'ihina'na' bit'ahgo ánađaanoŋwizdlaa, Christ bidíí bee. ¹⁴Án nohwá iłch'ígont'ééhí nɪi, da'án Jews daandliiní ła'í doo Jews daanoŋhɪ dahí dała'á ádaanoŋwizlaa, ła'í nohwizhgee bigha iłts'á'zhi' ádaant'ee n'í k'ihzhi' áyílaa, nohwizhgee tséé bee ilt'íní k'ihzhi' áyílaahí k'ehgo; ¹⁵Begoz'aaní biyi' iłtah at'éégo bikísk'eh ádaant'ee n'í bigha ilk'edaadin'ni n'í Christ bits'í bee k'ihzhi' áyílaa; ádí' nnee naki n'í dała'á ányiidlaahí k'ehgo néé Christ bee dała'á ánađnohwidlaa, ák'ehgo nkegohen'áá nágosdlɪ. ¹⁶Néé naki hat'i'í daandli n'í ts'i'ihna'áhi biláhyú dała'á daasiidliigo, Bik'ehgo'ihina'na' bit'k'í nádaasiidli, ák'ehgo ilk'edaadin'ni n'í ał bengonyáa: ¹⁷Nzaadyú daanoŋhɪ n'í, iłhánégo daandliihí biłgo Jesus nkegohen'áaní yaa nohwí nagolni'go nyáa. ¹⁸Án bigha daanoŋwigha Holy Spirit dała'áhi biláhyú nohwíTaa bich'i' ha'áhiikángo ha'ágot'i'go nohwá alaa. ¹⁹Áí bigha k'adí' doo łaħd' nnee daanoŋhɪ da, doo nnee łango hat'i'í daanoŋhɪ da, áídá' nnee Bik'ehgo'ihina'na' báhadaadeszaahí bił dała'á hat'i'í daasolɪ, Bik'ehgo'ihina'na' bichagháshé daasolɪ; ²⁰Jesus binadaal'a'á ła'í Bik'ehgo'ihina'na' binkááyú nada'iziid n'í kɪh bit'ááh łedn'aahí k'ehgo daanliigo, biká' nohwídest'íhí k'ehgo ádaanoht'ee, Jesus Christ dabí hágon'áágee tséé dantsé si'áni nliigo; ²¹Án biláhyú dágoz'aá nt'éégo łađasniłgo alne', nohweBik'eh' biláhyú godiyihgo kɪh biyi' da'ch'okaahí goleeħ: ²²Án biláhyú nohwí ałdó' itah nohwídest'í, Bik'ehgo'ihina'na' yiyi' ngoléehí bigha ágolne', Holy Spirit biláhyú.

3 ¹Áí bigha shí Paul, Jesus Christ bigha, ła'í nohwí ałdó' doo Jews daanoŋhɪ dahí nohwigha ha'ásítí, ²Bik'ehgo'ihina'na' biłgoch'oba'í nohwí ch'í'nah ashle'go shaidin'áaní ba'ikodaanoŋsɪ lán shi: ³Doo bígózi da n'í shi ch'í'nah áyílaago shi igoziid; (ilk'idá' ayáhágo nohwich'i' bek'eshiik'ch'igo nohwí nagosisni' ni'; ⁴Áí daahohshíígee Christ ye'at'ééhí doo bígózi da n'í bígosísiidí nohwí bídaagonoŋsɪ doleeł,) ⁵Áí doo ánídá' goldohí biyi' ni'gosdzán biká' nnee doo hwahá bił ch'í'nah ádaalne' da ni', áídá' k'adí' Bik'ehgo'ihina'na' binadaal'a'á ła'í binkááyú yáđaałt'í daadilzihí Holy Spirit bee bił ch'í'nah áđagoszaa; ⁶Doo Jews daanli dahí, Jews daanliiní biłgo Bik'ehgo'ihina'na' bits'á'dí' ágot'eehí dała' daabíyéé doleeł, dała' Christ bił dała'á daanliigo bits'í dała'á daanli doleeł, ła'í Bik'ehgo'ihina'na' Jews daanliiní yáŋgon'áaní Christ biláhyú yati' baa gozhóni bee doo Jews daanli dahí ałdó' daabíyéé doleełgo bił ch'í'nah áđagoszaa: ⁷Áí yati' baa gozhóni baa yashti'go áshi'delzaa, Bik'ehgo'ihina'na' biłgoch'oba'í shaa yiné'í bee, binawodí shinkááyú na'iziidgo. ⁸Nnee Bik'ehgo'ihina'na' báhadaadeszaahí doo ízisgo at'éé dahí dawa shí

dábich'í'gee siitíí ndi doo Jews daanlii dahíí bitahyú Christ bee nohwiya daagozhóóníí doo bígonoŋsih at'éé dahíí baa yashti'go Bik'ehgo'ihí'nań biłgoch'oba'íí shaa det'aa; ⁹Ła'íí Bik'ehgo'ihí'nań Christ biláhyú dawa áyíłlaahíí, ni'gosdzán alzaadí' yushdí' godezt'i'go ngonłchííníí doo bígózi go áyíłsi da n'íí, hagot'éégo at'ééhíí shíí nnee dawa bił ch'í'nah ashłe'go shaa det'aa: ¹⁰Áík'ehgo ínashood dawa Christ bee dała'á nlíni biláhyú spirits binadaant'a'íí łá'íí binawodíí yaaká'yú nagoz'aagee Bik'ehgo'ihí'nań bigoyá' iltah at'éhi yídaagołsi doleeł, ¹¹Áí dahazhi' goz'áni Bik'ehgo'ihí'nań yengon'ááníí bik'ehgo łayiilaa, Christ Jesus nohweBik'ehń biláhyú: ¹²Áń daahohiidłago doo daasiite'go da, doo nídaahiidłidgo da Bik'ehgo'ihí'nań bich'í' ha'áhiikáhgo nohwá ha'ágót'i'. ¹³Áík'ehgo nohwiğhą goyéégo shich'í' nagoyaahíí bighą doo hayaa ádaanoht'ee da le', áí bee łán da'nohtíi. ¹⁴Díńko bighą Jesus Christ nohweBik'ehń biTaa bich'í' hishzhíizh, ¹⁵Áń bichągháshé yaaká'yú daagolíníí hik'e ni' biká'yú daagolíníí dawa bee daaholžehi, ¹⁶Da'án ízigo ye'at'éhi ch'ída'izkaadhíí bik'ehgo biSpirit bee nohwiyi'siziiníí nalwodgo nohwá áile' doleełgo nohwá daahoshkąąh; ¹⁷Nohwi'odłá' bee Christ nohwííí biyi' yune' golíí le'; áík'ehgo i'ijóóníí bee nohwikeghad golíígo nłdzilgo soziigo, ¹⁸Nohwíí ínashood dawa biłgo Christ bi'ijóóníí nanigodí', ts'í'ngodí', ts'ídagodí', ts'íyaago ádaahosahíí bee nohwíł bígózi doleełgo; ¹⁹Ła'íí Christ bi'ijóóníí, be'ígózi yitis nel'aą ndi, bídaagonołsi doleełgo, áík'ehgo Bik'ehgo'ihí'nań ye'at'éhi dawa bee ádaanoht'ee doleełgo nohwá da'oshkąąh. ²⁰Daahókeedíí łá'íí natsídaahiikeesíí dawa bíí zhą yitis nel'aągo áile', binawodíí nohwiyi' na'iziidhíí k'ehgo, ²¹Dabíí zhą Christ Jesus biláhyú, goldohíí dawa biyi', ínashood daanliiníí dawa ya'ihédaanzigo daayidnłsi doleeł, doo nnągont'i'go da. Doleełgo at'éé.

4 ¹Áík'ehgo shíí, nohweBik'ehń bighą ha'ásítííníí nánohwoshkąąh, nohwíká ánniidíí bikísk'eh nłdzilgo hohkaah le', ²Ídaa daagoch'iyolba'go, nohwííí yune' isht'egodnt'éégo, nzaad bádaagohoh'aał le', hł daanojhóogo ilch'í' hadag ádaanoht'ee le'; ³Holy Spirit bee dała'á ádaanołsigo ilch'í'gont'ééhíí be'ádaanoht'ee doleełgo nyeego nabik'ída'ohsiid. ⁴Christ biláhyú dała'á daanohtíi, Holy Spirit ałdó' dała'á, da'áík'ehgo ałdó' daanohwigha ihí'naa doo ngonel'aą dahíí ndaahołíí doleełgo nohwíká ánniid; ⁵NohweBik'ehń dała'á, nohwí'odłá' dała'á, nohwibaptism dała'á, ⁶Bik'ehgo'ihí'nań dała'á, daanohwigha nohwíTaa, áń dawa yitigo nlíni, dawa yil nlíni, daanohwigha nohwiyi' golíni. ⁷Bik'ehgo'ihí'nań biłgoch'oba'íí iltah at'éhi dała'á daantíígee nohwaa daizné, Christ nohwainé'íí k'a'áhołąago. ⁸Áík'ehgo gádi'nii, Wą'yú bił onągodzaadá' isnáh daanlii n'íí łąągo yádih onądzaago, nnee yaaká'dí'go yaa daagodez'aą lęk'e. ⁹(Wą'yú bił onągodzaa ch'iniiyúgo, łahn' áidí' ni'gosdzán yuyaa bił nkegonyáhi łán shi. ¹⁰Bił nkegonyááhíí da'án yaaká'yúhíí nzaadyú dábitiséyú bił onągodzaahi at'éé, aął łaiile' doleełhíí bighą.) ¹¹Bik'ehgo'ihí'nań nnee yaa daizné'íí iltah ádaat'ee: łá' binal'a'á daanliigo yaa daagodez'aą; łá' binkááyú nada'iziidgo; łá' yati' baa gozhóni yaa nadaagolni'go; łá'íí łá'

ínashood yinádaadéz'jigo bił ch'ídaago'aahgo; ¹²Ínashood hadaadeszaago n't'éégo Bik'ehgo'ihí'nań yá nada'iziid doleełgo, yati' baa gozhóni baa na'goni' doleełgo, ła'íi ínashood dawa Christ bits'í nliiníi nđzilgo ádaile'go baa daagodeſt'aa: ¹³Áłk'ehgo daanohwigha nohwi'odla' bee dała'á daahiidleeh, Bik'ehgo'ihí'nań biYe' n't'éégo bídaagonlziłh, nnee báyań hileehíi k'ehgo néé Christ bits'í daandljigo án bee báyań daahiidleehgo Christ ye'at'éehíi dawa be'ádaant'eego daahiidleeh: ¹⁴Doo dayúweh chagháshé daanljihíi k'ehgo ádaant'ee da le', iltah at'éégo ilch'ígót'aahíi bee doo ilts'á' nohwił ánágoyol da le', nnee nadaach'áhi léda'ikchoogo ilch'ídaago'aahíi yee nohwiká daadihésbłh, k'izé'daanohwidilteeh hádaat'iiníi, ái doo ídaayilts'aa da le'; ¹⁵Áída' hłl daanjogo da'anii ágot'eehíi bee yádaahiilti' le', kotsits'in kots'í yebik'ehíi k'ehgo Christ nohwebik'ehgo bił dała'á daandleehgo án biláhyú daandlééł le': ¹⁶Nohwits'í ląągo ilghadaadit'aałhíi ła'íi its'id bee daatota'íi góljł, dawa n't'éégo nadaalidziidyúgo n't'éégo daandzeel, ágát'éégo néé Christ bits'íhíi daandljigo dabíi bee daalónta', ła'íi hłl daanjooníi bee néé Christ bits'íhíi daandliiníi ncha daahiidleeh. ¹⁷NohweBik'ehń biláhyú hasdziihgo gánohwiłdishńii, Kod' godezt'i'go doo Jews daanljı dahíi da'ılńégo natsídaakesgo hikaahíi k'ehgo doo hohkaah da le', ¹⁸Binatsekeesíi yee doo daago'jı da, doo bił ídaagozi dahíi bigha Bik'ehgo'ihí'nań bits'á'dı' ihí'naahíi yits'á'zhi' ádaat'ee, bijjı biyi' chagołheel benagoz'aałhı bigha: ¹⁹Bijjı nł'iz siljigo ncho'íi doo yich'ı' t'aałzhi' ádaat'ee dago yaa ádaadest'aa, ncho'go ánádaat'jłhıi zhá bił daanłt'ee daasiljı. ²⁰Áída' nohwiłhıi ágágot'eehíi doo Christ bits'á'dı' bídaago'aa da; ²¹Da'anii ba'ikodaanołsı lęk'eyúgo, Jesus biláhyú da'anii ágot'eehíi nohwił ch'ídaagoz'aa lęk'eyúgo: ²²Doo ániída' ncho'íi be'ádaanoht'ee n'íi yó'odaagodoh'aah, ái k'izé'idilteehgo ncho'íi zhá hát'jłgo da'ılıi hileeh; ²³Nohwinatsekeesíi, nohwiyi'siziiníi biłgo ániidégo nohwá ánaolne'; ²⁴Ániidégo be'ádaanoht'eehíi ádaagohdle', ái Bik'ehgo'ihí'nań k'ehgo dávik'ehyú át'éégo ła'íi da'anii dilzihgo alzaa. ²⁵Áłk'ehgo léda'otchoohíi yó'odaagodoh'aah, dała'á nohtjıgee nohwit'ahdı' daagolíníi da'anii ágot'eehíi yee hłl nadaagołni': nnee bits'ı dała'á ndi ląayú henlááhıi k'ehgo néé iltah at'éégo ádaant'ee ndi dała'á hahiit'ı. ²⁶Dahagee hadaashohkeegee déncho'égo ágot'eehíi yeh nohołt'é' hela': hadaashohkeehíi bił ya'ái owáh hela': ²⁷Ch'iidn nant'án doo bá goz'aaago ádaagonołsı da le'. ²⁸Hadıń in'jłhıi doo dayúweh in'jłh da le': áída' dabıi bigan yee n't'éégo na'iziid le', hadıń n't'é yıdıł nliiníi ła' yaa yiné' doleełhıi bigha. ²⁹Yati' ncho'íi doo ła' nohwizé'dı' behagohgháh da le', áída' yati' nł'ehı zhá, hadag ádaakole' doleełgo, hadıi daidits'agıi bee biyaa gozhóq doleełhıi bigha. ³⁰Bik'ehgo'ihí'nań biHoly Spirit doo bił gozhóq dago doo ádaanołsı da le', án bee nohwiká'iskał, ch'ínánohwi'nıiłhıi bijjızhı'. ³¹Nohwił daagoshch'ihıi, nohwínágochjłhıi, hadaashohkeehıi, hagołdohıi, ncho'go yádaatı'ıi, ła'íi da'oh'ni'go natsídaahkeesıi dawa bee nohwits'á' gonogháh: ³²Laadaach'ohba' le', łaatédaaht'ii le', Bik'ehgo'ihí'nań Christ bigha nohwincho'ıi bigha nohwaa nágodez'aałhıi k'ehgo nohwıi alđó' łaa nádaagodenoht'aah le'.

5 ¹Áík'ehgo Bik'ehgo'ihí'nań bichagháshé bíl daanzhónihíí daanohtjigo Bik'ehgo'ihí'nań beda'ot'ij; ²Christ bíl daanjoghíí k'ehgo líl daanohtjoggo hohkaah, án hkağolchiníí Bik'ehgo'ihí'nań daach'okąąhgo baa hi'né'híí k'ehgo zesdjigo Bik'ehgo'ihí'nań nohwá ya'ádet'aą. ³Áídá' nant'í' na'idaahíí, ncho'go natsíts'ikeesíí, dawahá dayúwehégo ídáhách'it'íiníí, dała'a ndi doo bída'oltah da, ínashood Bik'ehgo'ihí'nań bá hadaadeszaago doo ágádaat'ij bik'eh da; ⁴Ílkóhgo yati'íí, yati' da'ílnéhíí, dawahák'e ách'inqihíí doo ádaadohnií bik'eh da: áídá' Bik'ehgo'ihí'nań ahíyí'e daabíldohniigo nlt'ée. ⁵Díí bídaagonońsi, hadín nant'í' naghaahíí, ncho'go at'ééhíí, dawahá dayúwehégo ídáhát'íiníí, áí da'ílné daayokąąhíí, án Christ bilatł'áhgee begoz'aaníí, da'ái Bik'ehgo'ihí'nań bilatł'áhgee begoz'aaníí doo itah bíyéé da doleeł. ⁶Dahadín biyati' da'ílnéhíí izanołt'é' hela': áí bighą dabíí zhą daabik'ehíí Bik'ehgo'ihí'nań biniigodilé'íí yiká'zhj' áile'. ⁷Áík'ehgo ágádaat'eehíí doo itah daanohtjig da le'. ⁸Lah chagołheel zhinéé daanohtjig ní': k'adyúgo nohweBik'ehń binkááyú idindláád zhinéé daasolij: áík'ehgo got'íni biyi' hikahíí k'ehgo hohkah; ⁹(Holy Spirit nnee nayik'íziidyúgo, nlt'ée go ágot'eehíí, dávik'ehyú ágot'eehíí, la'íí da'aniigo ágot'eehíí biyi' begoz'aągo áile'); ¹⁰NohweBik'ehń hant'é bíl goyíłshóq doleełíí bídaagonońsih. ¹¹Doo chagołheel zhinéégo da'ílnégo ánádaat'ijłhíí k'ehgo ánádaaht'ijł da, áídá' ágánágot'ijłhíí nnee bíl ch'í'nah ádaanońsigo bígózi le'. ¹²Nagont'iyú ánádaat'ijłhíí bích'íłtahyúgo ndi bik'ee ídaayągosj. ¹³Dawahá ch'í'nah alzaahíí idindláádíí bee bígózi: dawahá hit'íiníí idindláádíí bee hit'ij. ¹⁴Áík'ehgo gáníigo dahgoz'aą, łhoshíí, ch'ínándzííd, dasíntsaądí' nádndáh, Christ níká'zhj' idindláádgo áile'. ¹⁵Hagot'éégo hohkahíí baa daagonohsaą, nnee doo daagoyáą dahíí doo k'ehgo da, áídá' daagoyáni hikahíí k'ehgo hohkah, ¹⁶Díí yołkaalıí biyi' doo nzhog dahíí zhą begoz'aąhíí bighą goldohíí íłjigo ádaanońsi. ¹⁷Ídaa daagonohdzaą le', nohweBik'ehń nohwá hāt'íiníí bídaagonońsih. ¹⁸Wine nohwíł nádaagodołhis hela', áí déncho'go kodíłteehe at'éé; áídá' Holy Spirit nohwee hadaalk'íłgo nłdzilgo bee nasozij le'; ¹⁹Siníí Bik'ehgo'ihí'nań biyati' biyi'dí'hi, Bik'ehgo'ihí'nań ba'ihégosiníí, la'íí ínashood biyiníí bee íłch'ij' da'doh'aal le', nohwíł daagozhóqgo nohwijíí biyi'dí' nohweBik'ehń bich'ij' da'doh'aal le'; ²⁰Dábik'ehń Bik'ehgo'ihí'nań nohwíłTaa bich'ij' dawahá ba'ihédaanońsi le', Jesus Christ nohweBik'ehń bizhi' biláhyú; ²¹Bik'ehgo'ihí'nań daadinońsigo daalidohts'ag le'. ²²Isdzáné daanohtíiníí, daanohtwika' daadohts'ag le', nohweBik'ehń daadohts'agíí k'ehgo. ²³Nnee bí'aa yá sizijgo bí'aaahíí bitsits'ini at'éé, Christ ínashood dawa yá sizijgo bitsits'ini at'ééhíí k'ehgo: ínashood daanliiníí dawa Christ bits'í nlijgo áí hasdá'iińhí at'éé. ²⁴Áík'ehgo ínashood dawa Christ daidits'agíí k'ehgo isdzáné daanliiníí łłdó' dawahá bee bika' daidits'ag le'. ²⁵Da'anii ínashood daanliiníí łąą ndihíí Christ biláhyú dała'a át'éé, Christ áí bíl nzhoggo ya'ídet'aąhíí k'ehgo nnee daanohtíiníí, daanohtwí'aa nohwíł daanzhog le';

26 Tú bee taats'idígisií k'ehgo áí ínashood dała'á át'ééhíí Christ biyati' yee taayigisgo ídáhaididle'híí bighą ya'idet'ąą, 27 Doo hayú dinojizhgo da, doo hayú baa dahts'idiłhiłgo da, dant'éhéta dénchq'ehíí da'ádih; áídá' dilzihgo, dánt'ée nt'éégo, bits'ą'dindláád siljigo ídaayi'ne' doleełhíí bighą ya'idet'ąą. 28 Da'ágát'éégo nnee bi'aa bił daanzhqq le', dabíí bits'íhíí k'ehgo. Hadín bi'aa bił nzhooníí dabíí ídíl njóni at'éé. 29 Nnee doo ła' dabíí bits'í bił nchq' da; áídá' nt'éégo áyíłsigo bił nzhoqgo yinádéz'ji, nohweBik'ehń ínashood dawa dabíí bee dała'á nłjigo bits'í k'ehgo at'éhi ágát'éégo áyíłs, 30 Néé dała'á daantjigee Christ ła' bits'í daandłjihíí bighą, bitsi' hik'e bits'in k'ehgo. 31 Áí bighą nnee bitaa hik'e báą biłgo yits'ą' dahdigháhgo bi'aa yíhiigháh doleeł, áík'ehgo naki dilt'ee n'íí dała'á nádleeł doleeł. 32 Díí dážhó doo bígózini at'éé da: Christ hik'e ínashood łaą ndihíí Christ biláhyú dała'á at'éhi áłdishnii. 33 Áídá' dała'á daanohtjigee gádaanołwłdışhni, Nohwi'aa nohwłł daanzhqq le', dabíí ídíl njqohíí k'ehgo; ła'íí isdzáné biką' daayidnłsı le'.

6 1 Chągháshé daanołłni, nohwitaa nohwimaa biłgo daadohts'ag le', nohweBik'ehń bił dała'á daanołłjihíí bighą: ágádaanoht'eego nłt'éé. 2 Bik'ehgo'ihí'nań yegos'aaníí dawa bitahyú dantsé nt'éhéta nohwá ádishłiłł nohwłłnłidíí díńko dahgoz'ąą, Nitaa nimaa biłgo dıńsı le'; 3 Áík'ehgo niyaa gozhqó doleeł, ni'gosdzán biká' nzaadyú hınnáá doleeł. 4 Nnee daanołłiiníí, nohwichągháshé doo bił daadohtehgo bídaagoyołchjı da: áídá' nohweBik'ehń bik'ehgo nohwichągháshé doo dávik'ehyú ádaat'ee dagee bich'i' yádaałti'go bił ch'ídaagonoh'aahgo bihołnaa. 5 Nada'ohsiidíí, ni'gosdzán biká' bánada'ohsiidíí da'ánííyú ádaanoht'ee, daadohtłídá' nohwiini' dahąhgo, nohwjıí da'at'éhé bee, Christ bá nada'ohsiidhíí k'ehgo; 6 Doo bánada'ohsiidíí binadzahgee zhą ágádaanoht'ee da, doo nnee bił daagonołshqóhíí zhą bighą da; áídá' Christ bánada'ohsiidíí daanołłjigo nohwjıíđ' Bik'ehgo'ihí'nań dahát'ıyú ádaanoht'ee; 7 Nt'éhéta ádaał'iiníí Bik'ehgo'ihí'nań bá ádaał'jıhíí k'ehgo nohwłł daagozhqógo ádaał'ji, doo nnee bá ádaał'jıhíí k'ehgo da: 8 Díí bídaagonołsı, nnee nłt'éégo adzaayúgo, Bik'ehgo'ihí'nań da'áík'ehgo nłt'éégo bich'i' nahıniłł, isnáh nliiníí dagohíí doo isnáh nłjı dahíí. 9 Nohwıí nant'án daanołłiiníí, nohwá na'iziidíí da'áík'ehgo bich'i' ádaanoht'ee le', doo dayúweh goyéégo bee nadaagoh'aa da: nohwıí áłdó' nohwiNant'a' yaaká'yú gólłı bídaagonołsı; án doo nnee ił'anigo yaa natsekees da. 10 Iké'yúhíí, shik'ıyú, nohweBik'ehń dáka'at'éhi binawodíí bee nłdzilgo nasozjı. 11 Besh diyágé Bik'ehgo'ihí'nań nohwainé'ıí dawa ádaagohdle', ch'iidn nant'án nohwich'i' nach'aagee nłdzilgo nasozjı doleełhíí bighą. 12 Doo nnee daanliiníí bich'i' nadaagonłkaad da, áídá' spirits binadaant'a'ıı, binawodíí, díí ni'gosdzán biká' chagołheelíí binadaant'a'ıı, ła'ıı spirits daanchq'ıı yúdahyú gólłni bich'i' nadaagonłkaad. 13 Áí bighą besh diyágé Bik'ehgo'ihí'nań nohwainé'ıí dawa ádaagohdle', nagont'ogıı bijjı nasozjı doleełhíí bighą, áík'ehgo ąłł ádaasołaaago t'ah nasozjı doleeł. 14 Da'anıı ágot'eehíí bee nohwizis ádaagohdle'go nasozjı, ła'ıı dávik'ehyú ágot'eehíí bee besh nohwıłł naztaągo ádaagohdle'; 15 Yati' baa

gozhóni bee nkegohen'ááhíí nohwikee bee hadaadeszaa le'; ¹⁶Da'itiséyú nohwi'odla' bee nohwinadłh dahdaadohtłjłh, áí bee k'aa' diłtł'i ch'iidn nant'an yidiłt'ohíí daanołtsees doleeł. ¹⁷Áíđí' bésh ch'ah bee hasdá'ildéhi ádaagohdle', łá'íí bésh be'idilłtłshé Holy Spirit nohwainé'íí dahdaadohtłjłh, áí Bik'ehgo'ihí'nań biyati'hi at'éé: ¹⁸Holy Spirit biláhyú dáda'ohkqałh nt'éé, nohwijíđí' dahot'éhé bee da'ohkqałhgo Bik'ehgo'ihí'nań bída'dohkeed, daadeł'íígo ínashood dawa doo hagee ngont'í'go da bá da'ohkqałh; ¹⁹Shíí ałdó shá da'ohkqałh, Bik'ehgo'ihí'nań yati' shizayinił le', doo siste' dago yati' baa gozhóni biyi'dí' doo bigózı da n'íí ch'í'nah ádaashle' doleełgo, ²⁰Shíí, yati' baa gozhóni bee nagoshni'go shi'dol'aadhíí bigha dahshi'destł'qoogo ha'ásıtıı; doo siste' dago dáyashti' le'at'ééhíí k'ehgo yashti' doleeł shá da'ohkqałh. ²¹Hago ánáshł'ııłıı łá'íí hago ánsht'eehíí bídaagonołsı doleełgo Tıkikas, nohwik'isn nohwił daanzhóni, begondłjıgo nohweBik'ehń yána'iziidi, dawa yaa nohwił nagolni' doleeł: ²²Áń nohwich'ı' hił'áad, hago ádaant'eehíí bídaagonołsı doleełhíí bigha, áık'ehgo nohwijıı yıł daagoyıłshóq doleeł. ²³İk'ııyú daanłını iłch'ı'gont'ééhíí bee bich'ı' goz'aq le', łá'íí ił'ijóónıı odla' bıłgo ałdó' bee bich'ı' goz'aq le', áí dawa Bik'ehgo'ihí'nań nohwiTaa, Jesus Christ nohweBik'ehń bıłgo bits'áđı'hi at'éé. ²⁴Jesus Christ nohweBik'ehń da'anıı bıł daanzhoonıı dawa Bik'ehgo'ihí'nań bıłgoch'oba'ıı bee bich'ı' goz'aq le'. Doleełgo at'éé.